

Qalam

KDN 3036.

Dhu al-Qa'idah 1387

Februari 1968

Bilangan 208

60 sen.

Mengapa Majalah Qalam diharamkan di Singapura?

Dalam masa-masa yang akhir sebelum kita berpindah dari Singapura, kita telah pernah dipanggil oleh pihak yang berkuasa Singapura terbit daripada tulisan-tulisan kita terhadap kepada langkah-langkah kerajaan Mesir terhadap Islam masa itu. Kita dimaklumkan oleh Kementerian Kebudayaan Singapura bahawa mereka telah ditegur oleh Kerajaan Republik Arab Bersatu(Mesir) terhadap tulisan-tulisan kita masa itu dengan alasan bahawa mereka berkewajipan menjaga dan mengawal hati negara sahabat. Dengan itu kita diperingatkan supaya memberhentikan tulisan-tulisan kita - ertinya kita disuruh oleh Kerajaan Singapura berdasarkan ada mata lihat ada telinga dengar. Sedang mulut mesti tutup – iaitu nampaknya dasar “demokrasi” ala Mr. Lee Kuan Yew.

Kita merasa hairan, sebaliknya beberapa banyak penduduk dan akhbar-akhbar Singapura yang mengkritik dasar-dasar Amerika yang juga menjadi negara sahabat tidak mendapat amaran dan

teguran bahkan kita sendiri pernah menulis yang demikian itu – tidak juga diperintahkan dan diberi amaran.

Sesudah terjadi peristiwa 5 Jun 1967 Kerajaan Republik Arab Bersatu telah dilanggar oleh Israel. Langgaran ini menjadikan dengan sendirinya dasar kita terhadap negara itu berubah sebab kita wajib menyatakan tenaga dan melupakan segala pertelingkahan yang lalu untuk menghadapi musuh Islam bersama yaitu Israel yang melanggar Bait-ul Maqdis dan mendudukinya. Kita telah berhubung dengan Kedutaan Republik Arab Bersatu di Singapura dan menyatakan memberi kerjasama dan pada bulan Julai 1967 kita pun menyiaran di muka hadapan gambar *President Gamal Abdel Nasser* dan *cogan-cogan* yang membawa persatuan untuk menggembangkan musuh bersama.

Tetapi pada akhir bulan Julai 1967 En. Ghazali Ismail, telah bertelefon kepada kita memperingatkan dengan marahnya menuju kita lagi-lagi menyerang Kerajaan Republik Arab Bersatu yang mana beliau telah memberi amaran kepada kita. Ia berkata :

“Kalau pihak Qalam terus berdegil, ia kelak akan menahan (mengharamkan) Majalah Qalam – bukan itu sahaja tetapi ia boleh mencabut lesen percetakan Qalam “sekarang juga.”

Mendengar amaran itu kita menjawab bahawa kuasa ada di tangan En. Ghazali Ismail. Kalau ia mahu mengharamkan silakan tetapi tiap-tiap sesuatu

langkah mestilah lebih dahulu diselidiki. Kita menerangkan kepadanya bahawa sesudah peristiwa 5 Jun 1967 kita tidak lagi menulis menentang negara Republik Arab Bersatu tetapi kita sendiri telah datang secara *gentlemen* kepada mereka untuk memberi khidmat dan kerjasama bagi menghadap musuh bersama bukan sahaja musuh Islam tetapi seterusnya Allah yang termaktub di dalam al-quran yaitu pengkhianatan umat Yahudi. Dengan ini baharu Setiausaha Tetap Kementerian Kebudayaan Singapura itu diam, dengan seribu makna.

Daripada peristiwa-peristiwa ini dan banyak peristiwa-peristiwa yang lain pembaca *al-mutahramin* yang mengikuti majalah Qalam dari semenjak keluarannya tentu mengetahui betap perkara-perkara yang berhabit dengan agama di Singapura diperkotak-katikkan sehingga seolah-olah agama itu dijajah – bukan sahaja diperlakukan. Kita melihat bagaimana mereka yang ada di dalam kerajaan Singapura itu menjadikan agama itu sebagai bolang-baling alat-alat politik digunakan mereka untuk menipu rakyat-rakyat yang bodoh yang tidak berani menyuarakan yang *haq*. Kerana itu apabila kita sendiri berdiri menegakkan *haq* agama dan membuka mata umat Islam supaya jangan tertipu oleh kata-kata dan pujukan-pujukan yang manis dari “pemimpin” yang diperalat oleh pemerintah maka sudah tentu mereka tidak senang.

Semenjak tahun 1960 Rang Undang-undang Hukum Islam tidak dapat